

Aaniartunut Ikayuqtingat Malikhimayakhat

Kiuvighautit aaniartunut ikayuqtingat ihumagittiartauyukhaq aaniarnigut aaniaqtunut ikayuqhimayatit. Hapkuat malikhimayakhatit taamna aaniarviliatqut ikayuqtaugiaqarmat piyumayainnit aullaumatilluni aaniarvingmi.

Qauyimayakhatit, tingmidjutikhatit akiliqtautaaqhimayuq ukuningat Aaniaqtailinirnut Munaqhiliqiyitkut Pilirivvingat uumingattaq, hamna hulinnarutit naahurihimayauvlutit hamna malikhimayakhatit maligautikhat:

- ✓ TAMAINNUT taaktiliqigiaqatutit tuuliiqhimaittumiglu ikayurlugu aaniarviliartuq.
- ✓ Tamaat ikayuqhimagiaqatitit piqatigiinnarlugu aaniarviliaqhimavlutik taaktiliqinirilluniit.
- ✓ Ilitturihimagiaqatitit taamna inuk ikayuqhimayatit malikhimagiaqatutq ihivgiuqhinikkut taaktivit munaqhiniiniluniit uqarumik. Niritquyaunngitut kinguani 8 mi unnukpat, niriyaqhaunngittut kinguani 8 mi, ublaamiluniit taimaa ihuinaarnikhamiuk ihivgiuqtaunahuarnirumik.
- ✓ Tuuliiqhimaittumiglu tingminahuarniruffi. Piksaniqglu nalunaitkutaa aturiaqaqhunilu tingminahuaraikpat, uumingaluniit paaspuanik, aqunnigut nalunaitkutangit.
- ✓ Ikayuriaqatitit aaniartunut tingminahuarliraangat puungillu tigumiartakhatit tigumialaitkumiuk.
- ✓ Ikayuqhimagungni aaniartup Qablunaatitit uqayuitkumi, uqaqtiugiaqatitit tamaat aaniarviliaqhimavlutik ikayuqhimallugu taaktiliqinirnit hulinahuarnirumilu.
- ✓ Taaktiliqiliruvit Qablunaatitit uqayuittumik aaniaqtum, ikayuqtiuvlutit uqaqtiuyukhauvlutit qanuq aaniarviliaqhimayum nalunaiqhimagiyakhatit nalaumayumik uqaqtiugiaqatitit.
- ✓ Nunallaatit aullanahuaqtinnatit qauyimagiaqatitit qanuq taamna aaniaqhimaningiit ilihimayakhatit ikayuqhimayatit. Tamaat havautituqhimayangit aaniaqtup qauyimayagiaqatitit hungmat havautiturnikkut. Nalunaiyaiqatitit qablunaatitit tuavirnaqtuqarnirumi.

Uumingatut pivluni, taamna aaniaqhimayuq taaqhiikpat tingmitilluni, nalunaiqhimagiaqatitit tingmiarmi havaktinut munaqhiyut qilamiurtumik akhaluutikkuurtunut havaktingit qanuq ayuqhautilik aaniaqtup qanurittumik havatituqhimayunillu.

- ✓ Tamaat malikhimagiaqatitit inuqarviup, aaniarviup tingmidjutit maligutainit, havaktiinillu aaniarviliarnahuarniruvit.
- ✓ Aullarniruvit imiqtukhaunngittutit ikayurnahuarniruvit aaniarviliaqtunut.
- ✓ Aullarniruvit higaarlungmit piyukhanngittutit ikayurnahuarniruvit aaniarviliaqtunut.
- ✓ Tingmiyukhaunngittutit puukhanit qiyuqutinilluniit kinali tuniyauniruvit. Ilingnit kiuyayuyakhatit iluliqarnirumi higaarlungmit.

Hamna Aaniaqtuliqiniq Munaqhiliqiyitkut Ikayuutit ihumavagait ikayuqtiup kiuyakhait kiuyayuyakhagiaqahutik ihuaqtumik. Hamna malikhimaitkungni ikayuqtiutitigut-qanurunaaqhimaittumik-hamna Pilirivvik turaaqhimaniaraatit akiliakhainit akikhaa tingmidjutit, hiniktarvit niqikhainillu.

